

QVÆSTIO MEDICA

QUOD LIBETARIIS DISPUTATIONIBUS

manè discutienda in Scholis Medicorum

die Jovis 30. Januarii.

M. GUYDONE-CRESCENTIO FAGON

Reginæ, & Serenissimæ Delphinæ Principis

Medico primario, Præsidente.

Confert ne ventriculi motus, ad elaborationem chyli?

I.

MOTU vivunt animalia motu pereunt. Humores scilicet & spiritus agitatione continuâ vitæ functiones absolvunt: sed præcipitum cursu vehuntur, Cutis repagula transiliunt; & quâlibet horâ, solidarum quoque partium, quas fugiendo dirunt, corpuscula secum abripiunt. Brevi itaque viventes deficerent, si perpetua hæc tam solidarum quam fluidarum particularum damna non repararent alimenta. Hæc ideo sicca vel liquida (fame & siti jacturæ majoris interpretibus,) appetunt animales: utraque verò ex variâ rerum dissimilium congerie genita; diversis enim partibus reficiendis alimentorum mixtione providetur. Iniquè igitur de sorte suâ nonnulli quæruntur, quod arentes fauces proluere non liceat aqua, à quibuscumque rerum vicinarum effluviis expeditâ; vel quod nullis aurum diffuset liquoribus, qui possint impunè ventriculo committi. Vix enim utile quidquam nutritioni pura conferunt elementa, vel metalla, Aurum omnium minime; quippe quod sibi pertinaciter coheret; quia similibus ex partibus coalescit, nulla corporis alieni societate discretis. Ne credas tamen, alimenta quo sunt pluribus composita, eo magis esse alendo corpori idonea. Prosumt quæ Natura congestit, nocent quæ miscet ars gulæ delitiis addicta. Lædunt cœnæ dubiæ, & mixta assis elixa, Conchyliis Turdis. Hæc enim confusa, stomacho tumultum inferunt; & ventriculo vix ex tanto rerum dissimilium acervo chylum elaboranti, negotium ingens facessunt.

I I.

CANDIDO rore quem mammæ nutricis effundunt, nascentes pascimur. Albo liquore quem ventriculus subministrat, toto vitæ decursu

reficimur. Humor ille ex cibis attritis, coctis, expressis effluens, chylus est: ut lacti colore & substantiæ modo, sic & facili unius vicissim in alterum mutatione, congener. Ex lacte nimirum, tenellis infantium, & languidis convalescentium ventriculis, citissimè chylus generatur; nec minus expeditè, è chylo cum sanguine ad nutrimum mammas affluente, lactis penuria reparatur. Ex liquidis ille solidisque manat alimentis: citius quidem & facilius, si mollia & simplicia, longo verò & vehementi ventriculi nisti, si dura & composita devorentur. Cum enim chylus, ut fiat accommodatum sanguini rudimentum, æqualis, fluidus, & albus evadat necesse sit; quo plura ab hisce conditionibus remota ventriculo traduntur, eo validiori fibrarum contentione dura mollibus, siccis liquida misceat opus est, ut res dissimilis in cremorem uniusmodi coalescant. Hic si labem aliquam, dum in ventriculo versatur, contrahat; si nimirum, aut febrili calore illi nidor inuratur, aut refluyente è Pancreate succo acrius ebulliens, acescat, vel, resolutis ventriculi fibris, minus subactus elabatur; vix aliorum viscerum ope culpa deleatur: & licet à crassioribus partibus attritionem aut coctionem eludentibus, à jeiuno ad cæcum usque intestinum, expressione successivâ liberetur; & à facibus expeditis vasa destinata subeat: nihilominus delicta ventriculi luit immerita cruoris massa,

III.

VENTRICULUM principem esse primæ coctionis officinam, situs ejus & adnexa restantur. Medius est gulam intrer unde excipiat alimenta, & intestina quibus illa in chylum mutata committat. Ambitu suo finem, ad cibos continendos, viscerum omnium capacissimum complectitur. Tantâ vero fervidi sanguinis copiâ è propinquo corde, innumeris arteriis quâlibet discurrentibus, alluitur; calidissimaque illum viscera hepar scilicet, lien, pancreas, immo fons ipse caloris; & ab eo præceps æstuantis sanguinis rivus, tam arcte fovent & ambiunt; ut palam constet, tanto caloris apparatu non privatâ parris incolumitari, sed publico culinarii visceris foco provideri. His porro cum & salivæ, quæ cibis cum dentibus teruntur, accibit, & liquoris è glandulis gulæ & stomacho appositis decidui, fermentum sit annumerandum; extra dubium est, multiplici adeo caloris incitatione, in ventriculo cibos ad ebullitionem promoveri. Ne tamen illum pures, leberis instar ardenti foco impositi, effervescentia alimenta otiosum continere: idque unum agere, ut onus suum quam proxime ambiat, & osculis exactè obsignatis donec in chylum abeat, amplectatur. Neque ut illum ab inertivendices otio, ab eo chylum absolvi, fabulosâ non minus quam inexpectabili substantiæ proprietate contendas. Verum ut facile, quid ad chylosoos complementum ventriculus conferat, intelligas; ipsius structuram, runicas, nervos, sedulus inquire. Quæ scilicet media illi est membrana, carnosa, & omni fibrarum genere intertexta, uti staminum ordine, multiplici nervorum distributione, & carne tendonum æmula, musculi faciem refert; sic & musculi quoque manus obit: neque solum rectis fibris rapit alimenta, transversis expellit, obliquis amplectitur, sed omnibus vel simul, vel vicissim agentibus, quadam sui totius in orbem commotione, (velut in compositis

3
musculis contingit) alimenta versat, miscet, attenuat, & tunicae interioris
rugis & tuberculis comminuit.

I V.

LONGIUS multo cerebri patet imperium, quam vulgo solet circum-
scribi: neque solum in musculos, ad externas corporis partes arbitrio
voluntatis agendas, institutos, ab eo spiritus motores influunt; sed in omnia
viscera, non secus ac in artus, jus suum proferunt. Viscus nimirum quod-
libet, sive membranosum illud sit, sive parenchyma audiat, suis agitur
fibris: quibus solutis, aut constrictis, quod amicum est excipit; quod su-
perfluum aut incommodum respuir. Neque enim frustra, vel unius sensus
gratiâ, qui visceribus obtusior est, tot nervorum propagines in eorum mem-
branas distribuuntur: sed nervi in ipsorum intima perrepantes fibris adhe-
santur; & eas pro diversâ motus necessitate contrahunt, aut laxant. Unde
fit, ut quanquam illæ nesciâ voluntate moveantur, tamen illarum motus,
pro variâ imaginationis commotione, sæpius ita temperentur, ut in violenti-
s animi pathematis palpitent, vel repente quiescant præcordia. Quod vero
privatis partibus ad proprios usus concessum est, publicis officinis, meliore
jure, ad totius æconomiam attributum est. Hinc cor non fibris modo, sed
musculis pluribus instructum est, quibus indefinenter vibratur, atque etiam
à vivis animantibus evulsum, sanguine vacuum, & lorum diutissime palpi-
tat: ut ideo, non abs re, illud robustum musculus divinus senex appellarit.
Huic densâ carne & flammæ robore proximus est, secundus, avium quæ
semina deglutit, ventriculus: ex fibris enim ille tam solidis, nervis, &
tendinibus musculorum more compactus est; ut vix credat aliquis, tam vâ-
lida motus instrumenta id solum muneri obtinere, ut grana devorata, quam
plurimum integra, complectatur. Animalium verò utrinque dentatorum li-
cet ventriculus membranosis visceribus soleat annumerari, si tamen insignes
nervorum ramos, qui à sexto pari in carnosam illius membranam discur-
runt, si firmam ejus compagem, & nervosam, qua convestitur tunicam ex-
pendamus; illum facile musculi vices gerere, atque etiam validos, ad chyli
elaborationem, posse motus obire intelligemus. Nec absurdum videtur, hisce
partibus motum earum functionibus idoneum, à nervis mutuatum, adscri-
bere, quæ in hystericis, & melancholicis affectibus, nervorum irritatione,
tam vehementer convelluntur, ut lienis, intestinorum, uteri, cordis & sto-
machi concussionem, oculis etiam & tactu manifeste percipiantur.

V.

TANTI motus est ad absolutum primæ cōstitionis opus, ut ex quo cibi
animantium ora subierunt, nusquam moveri desinant. Primum enim
in ore dentibus comminuantur: mox linguâ, & asperiore palati tunica, vel
limâ, teruntur. Ac demum continuâ gulæ compressione ad ventriculum
trahunt; illius agitatione tamdiu subiguntur, donec quæ minus divisa sunt
fragmenta attenuentur, fluida solidis, tenuia crassioribus admisceantur; &
partes qualibet alimentorum, indefinenti conversione, vim caloris æqualem
percipiant, parique fermenti mole persusæ, similem quoque ebullitionem
conciunt. Nec secus ac massa panis, agitatione reperitâ, fermento melius

4

imbuitur; & cerevisia, vinum aut hydromel, in doliis commota, citius maturefcunt: ita chylus frequenti ventriculi convolutione, ut albescit, sic & brevi generosior & perfectior evadit. Adeo ut, quod solâ vividi quantumvis caloris ope; & acidi liquoris, licet tenuissimi beneficio, sine motu, non nisi tædiosâ temporis morâ perficeretur, eo agente prælo melius & citius absolvatur. Hinc quibus animantibus gingiva superior inermis est, ut quæ integra fere devorant alimenta conficiantur, quadruplici ventriculo provifum est: illa nimirum in ingluvie macerata, quadratis reticuli cristis inciduntur; semilunaribus & asperis Omasi membranis teruntur; ut tandem, accedente Abomasi compressione, in chylum eliquentur. Sic & avibus quæ vel solida, vel extimâ tantum pelle nudata, grana deglutiant, duplex adest ventriculus: ut hæc in primo, humore è glandulis vicinis affluente, imbuta, in secundo tunicâ molæ instar fulcatâ munito, lapillis juvantibus quos aves absorbent, & actione validâ muscutorum quibus ventriculus ille constat, in pulvem chylosam abeant. Porro, cum ciborum quidquid ventriculus excipit, non simul colliquescat; sed sensim partes, quas rugosa illius tunica propius attingit, in chylum disfluant: partitis quoque vicibus per inferius ejus osculum ejiciuntur, & perpetuâ ventriculi compressione, quod coctum & dilutum est, in intestina continuò propellitur; ut sic quod superest elaborandum, simili elidente complexu, melius absolvatur.

Ergo ventriculi motus, ad chyli elaborationem confert.

DOMINI DOCTORES. DISPUTATURI.

M. Petrus Ton.

M. Antonius de Saint-Yon,

Medicus Regis ordinarius.

M. Claudius de Quanten.

M. Joannes Robert.

M. Ludovicus Gayant.

Medicus Regis ordinarius.

M. Franciscus Vezon.

M. Franciscus Pajot.

M. Claudius le Vasscur.

M. Nicolaus Richard.

Proponebat Parisiis **JOANNES POISSON**, Parisinus
Baccalaureus Medicus, A. R. S. H. 1681.

P A R I S I I S,

Apud Franciscum Muguet, Regis & Facultatis Medicinæ
Typographum.